



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

7. Hanc sibi perfectionem ob oculos posuerunt Sancti omnes.

[urn:nbn:de:hbz:466:1-47032](#)

ter, nisi tui ipsius existimationem omnem exuere, crucis, contumeliarum, rerum sensui & cupiditati contrariarum amorem induere conaris; dignitatum titulos existi, at Religiosum Societatis nondum induisti: illa sapienter detrimentum putasti, at Christum needum lucifecisti: tua reliquisti, te restat ut reglinquas; in illo inchoatur, in hoc perfectio consummatur. Detribi largitor gratiarum Deus, det omnibus eiusdem sacræ militiaz tirocinium ponentibus, ut quām in Societate necessaria est hæc rerum omnium suique contemtio, tanta ad eam indefesso, contento, sed & prudente conatu alacres euolutis, tirocinij que deinceps annis euolutis, in eiusdem virtutis progressu, vtilem tota vita via stra operam collocetis.

C A P V T VII.

Hanc perfectionem sibi ob oculos posuerunt Sancti omnes.

VNum quidem spiritum, omnia sanctitatis dona prout libuerit diuidentem, in Sanctis admiramus & agnoscimus, sed ea maximè promouentem, quæ ad sanctitatem magis necessaria sunt: quare, cùm docente S. Gregorio, virtutes absque humilitate congregari non possint, nihil mirum, si quibus virtutum perfectionem, iisdem hamilitatem maximam infuderit sanctitatis auctor Spiritus. Delibemus è Sanctis nonnulla, quibus tanto efficacius quo breuius commendetur.

Causam & rationes persequitur D. Hieronymus epist. 32. scribens: Quamus mihi multorum sim conscius peccatorum, & quotidie in oratione flexis genibus loquar, Delicta iuuentutis mee & ignorantias meas ne memineris: tamen sciens scriptum esse ab Apostolo, Ne inflatus superbia incidat in iudicium diaboli: & in alio loco scriptum, Superbis Deus resistit, humiliibus autem dat gratiam: nibil ita à pueritia conatus sum vitare, quām tumentem animum & cervicem erectam, Dei contra se odium provocantem. Noui enim magistrum, & Dominum, & Deum meum, in carnis humilitate dixisse, Discite à me quia mitis sum & humili corde: & antè per os David cecinisse, Memenito Domine David, & omnis mansuetudinis eius. Et in alio loco legimus: Ante gloriam humiliabitur cor viri, & anteruinam eleuatur. Et D. Augustinus: Non aliam ibi ad capessendam & obtinendam veritatem viam munias, quām qua munera est ab illo, qui gressuum nostrorum, tamquam Deus, videt infirmitatem. Ea autem est, prima, humilitas; secunda, humilitas; tertia, humilitas: & quoties interrogares hoc dicarem: non quo alia non sint precepta qua dicantur, sed nisi humilitas omnia quæcumque benefacimus & processerit, & comitetur, & consecuta fuerit, & proposita quam intueamur, & apposita cui adhæreamus, & imposta qua reprimamur, iam nobis de aliquo bono facto gaudentibus, totum extorquet de manu superbia. Praeclarè & à pri-

primordijs id repetit S. Athanasius, ita loquens: *Ingenus remedium est ad salu-* Orat. de
tem, humilitas: Satanás enim, non ob fornicationem, aut adulterium, aut furtum, virgin.
delectus est e celsis: sed superbia eum precipitauit ad abyssi partes infimas. — Super-
bia igitur, in diabolo: humilitas, est in Christo. Sed vniuersim loquuntur hæ tentia;
cuius generis infinitas aceruare quiuis queat: addamus quod sit magis
proprium, gradibusque explanatis conueniens.

Cum illud in animo tibi fixum stabiliueris, inquit Magnus Basilius, opiniū te In Aſſet.
 quotquot sunt mortalium esse contemtissimum, peccatisque onustissimum, & peregrinum de abdie.
 ac vagum, & quem sola tantum misericordia adducti, iij qui priores te se à ſecul.
 culi huius curi auocarunt, ſbi in societatem adſciuerint, ſtudioſe operam dato, ut omnium nouissimum ſis, ac omnium ſeruus: quando iſta vna ratione veram tibi ac ſolidam gloriam paries. Et Bernardus, Ego plagi conscientia mea, nullum iudico ac Epift. 30.
 accommodatiſ medicamentum, probris & contumeliis. Et D. Hieronymus virginem Epift. 2d.
 Deo dicatam præceptis instruens; non aliunde quam ab amore Christi, ad omnia toleranda eam præparat. Amemus, inquit, & nos Christum, eiisque ſemper queramus amplexus: & facile videbitur omne difficile: brevia putabimus vniuersa, qua longa ſunt: & iaculo illius vulnerati, per horarum momenta dicemus: Heu me, quia peregrinatio mea prolongata eſt aliaq; ad finem usque epistolæ lectione dignissima persequitur, docens exemplo Sanctorum, aternaque beatitudinis amore aspera omnia lenienda. Sed hoc argumentum plenifimè ac elegantissimè à Diuo Cyptiano audiamus: & quamquam non pauca ſunt, quæ differri ad sequentia potuiffent, ſimul tamen apponam, ne diſtioniſa tentia lepori distraetione partium pereat. Is igitur ita ſcribit: Non inuenio, fratres dilectissimi, inter Lib. de pa-
 ceteras celestis disciplina vias, quibus ad conſequenda diuinus premia, ſpei ac fidei noſtra ſecta dirigitur: quid magis fit vel uirtutu ad vitam, vel maius ad gloriam; quam vt, qui præceptis Dominicis obsequio timoris ac deuotionis innitimus, patientiam maximè tota obſeruatione tueamur. Patientia vero nomine ſic utitur Cyprianus, ut eorum omnium, quæ tertio humilitatis gradu contineri dixi, tolerantiam, animūmque ad illa paratum complectatur, ut ex iis quæ ſequuntur ſatis eſt clarum. Eſt nobis, ait paulo pōſt, cum Deo virtus iſta communis. Inde patientia incipit, inde claritas eius & dignitas caput ſumit. Origo, & magnitudo patientia, Deo au-
 ñore procedit. Diligenda res homini, quæ Deo cara eſt. Bonum quod amat, maiestas diuina commendat. Si Dominus nobis & Pater Deus eſt, ſectemur patientiam Domini pariter & Patris: quia & seruos oportet eſſe obſequentes, & filios non decet eſſe degeneres. Qualis vero in Deo, & quanta patientia; quid in contumeliam ſue maiestatis & honoris, iuſtituta ab hominibus profana templo, & terrena figura, & ſacra ſacrilega patientiſimè ſuſtinenſ, ſuper bonos & malos aequaliter facit diem nasci, & lumen Solis oboriri; & cum imbribus terra ſrigat, nemo à beneficio eius excluditur, quo minus inſis ſimul & iniuſis, indiſcretas gratias largiatur. Videmus inseparabilē
 P aqua-

equitate patientie, nocentibus & innoxiis, religiosis & impiis, gratias agentibus &
 ingratis, Dei nutu tempora obsequi, elementa famulari, spirare ventos, fontes fluere,
 grandescere copius mesium, fructus mitescere vinearum, exuberare pomis arbusta, ne-
 mora frondescere, prata florere. Et cum crebris, imò continua exacerbetur offensis
 Deus, indignationem suam temperat, & proflitatum semel retributionis diem patien-
 ter expectat. Cumque habeat in potestate vindictam, manuult diu teneat patientiam;
 sustinens scilicet clementer & differens, vt si fieri potest, multum militia protracta,
 aliquando mutetur: & homo in errorum ac scelerum contagione volutatus, vel sero ad
 Dominum conuertatur, ipso manente & dicente: Nolo mortem morientis, quantum
 vt reuertatur & viuat. ita habet interpretatio Cypriani, & nos alio loco signi-
 ficantiū & clariū, Viuo ego, dicit Dominus, nolo mortem impii, sed vt
 conuertatur impius à via sua, & viuat. Et ecce quomodo contumeliarum, ini-
 uitiarum, minutique honoris patientiam in diuinæ bonitatis imitationem
 refert sanctus Doctor. Idemque asseueratione Domini nostri Iesu Christi
 probat, asserentis in eo perfectionem nostram esse sitam, si istiusmodi pa-
 tientiae imitatores euadimus. Estote itaque vos perfecti, sicut Pater vester celestis
 perfectus est. Sic perfectos dixit fieri Dei filios, sic consummari ostendit & docuit ca-
 lesti natuitate reparatos, si patientia Dei Patri� maneat in nobis, si similitudo diui-
 na quam peccato Adam perdiderat, manifestetur & luceat in actibus nostris. Que glo-
 ria est, similem Deo fieri, qualis & quanta felicitas, habere in virtutibus, quod di-
 uinis laudibus posset aquari! Nec hoc, fratres dilectissimi, Iesus Christus Deus & Do-
 minus noster, tantum verbis docuit, sed impleuit & factis. Inserit etis deinde qui-
 busdam ita pergit: In Iudeis vero tolerandis equanimitas quanta, & quanta patientia,
 incredulos ad fidem suadendo flectere, obsequio ingratos fouere, contradicentibus
 respondere leniter, superbos sustinere clementer, humiliter persequenteribus cedere, pro-
 phetarum interfectores, & aduersum Deum rebelles, vsque ad cruci & passionis ho-
 ram velle colligere! Sub ipsa autem passione & cruce, priusquam ad crudelitatem ne-
 cis, & effusionem sanguinis veniretur, que conuiciorum probra patienter audita, qua
 contumeliarum tolerata ludibria; vt insultantium sputamina patienter exciperet, qui
 sputo suo oeci oculos paulo ante formasset; & in cuius nomine à seruis nunc eius, dia-
 bolus cum angelis suis flagellatur, flagella ipse pateretur; coronaretur spinis, qui mar-
 tyras floribus coronat eternis; palmis in faciem verberaretur, qui palmas veras vin-
 centibus tribuit; spoliaretur ueste terrena, qui indumento immortalitatis ceteros uestit; ci-
 baretur selle, qui cibum caelestem dedit; acetum potaretur, qui salutare poculum propinavit. Ille
 innocens, ille iustus, imò innocentia ipsa, & ipsa iustitia, inter facinorosos deputatur, &
 testimonis falsis veritas premitur, iudicatur iudicaturus, & Dei sermo ad victimam tacens
 ducitur. Et cum ad crucem Dominum confundantur sidera, elementa turbentur, contra emiscat
 terra, nox diem claudat, Sol, ne Iudeorum facinus aspicere cogatur, & radios & oculos suos
 subtrahat; ille non loquitur, nec mouetur, nec maiestatem suam sui ipsa salie passione pro-
 fitetur:

stetur: usque ad finem patienter ac iugiter tolerantur omnia, ut consummetur in Christo plena atque perfecta patientia. Et post ista omnia, adhuc interfectores suos, si conuersi ad eum fuerint, suscipit; & patientia salutari, ad conservandum benignus & patiens, Ecclesiam suam nemini cludit: illos aduersarios, illos blasphemos, illos nominis sui semper inimicos, si penitentiam delicti agant, si admissum facinus agnoscant, non solum ad indulgentiam criminis, sed & ad premium regni caelestis admittit. Quid potest patientius, quid benignius dicit? vinificatur Christi sanguine, etiam qui fudit sanguinem Christi. — Quid si & nos, fratres dilectissimi, in Christo sumus, si ipsum induimus, si ipse est salutis nostra via; qui Christum vestigia salutaribus sequimur, per Christi exempla gradiamur; sicut Ioannes Apostolus instruit dicens, Qui dicit se in Christo manere, debet quomodo ille ambulauit & ipse ambulare? Item Petrus, super quem Ecclesia Domini dignatione fundata est, in Epistola sua ponit & dicit: Christus passus est pro nobis, relinquens vobis exemplum ut sequamini vestigia eius; 1. Ioan. 2. qui cum malediceretur, non maledicebat; cum pateretur, non comminabatur. trahebat autem iudicanti se iniuste. Ecce quam aptè ad argumentum nostrum scribit Cyprianus, ostendens non solis Religiolis, sed Christianis etiam omnibus, eadem esse sanctitatis exempla sectanda, quemadmodum ipse Dominus Iesus illa in commune proposuit imitanda. Quæ ipsa in breuem summam bene collegit D. Gregorius his verbis: Studebant omnes superba Adam stirpe progeniti, prospera vite praesentis appetere, aduersa denitare, opprobria fugere, gloriam sequi: venit inter eos Dominus incarnatus, aduersa appetens, prospera spernens, opprobria amplectens, gloriam fugiens, — fugit quod omnes appetunt, appetit quod omnes fugiunt. Idcirco namque internos homo factus est, ut non solum sanguine fusos nos redimeret, sed etiam ostendo exemplo commutaret.

Quid ergo? Filius Dei passus est, ut nos filios Dei saceret; & filius hominis pati non vult, ut filius Dei esse perseueret? Audi, & rebus ipsis comprobare⁵⁶. Sarage doctrinam Climaci, qui cum docuisset nequaquam illum habendum esse patientem, qui à solo suo Praeposito, sed eum qui ab omnibus pati, contemni, reprehendi constanter tolerat: quædam quasi effata, omni veneracione dignissima proloquitur. Bibe, inquit, summa alacritate obiurgationes atque irrisiones, à quouis homine tibi propinatas, non aliter atque aquam vite. Potare enim te quarit salubri potionem, & per quam omnis animi lascivia atque luxuria purgeatur. Nam huiusmodi re vera haustu, orietur intima & profunda castitas in anima tua, luxq; Dei candidissima in corde tuo non deficiet. Itcumque; Is, ait, qui ad placidiissimam animi quietem, atque ad Deum currit, die omni qua maledicta non sustinet, ingens detrimentum se sustinuisse arbitratur. Quod ut quasi gradatum veniatur explicans; Initium beatæ tolerantie est, in amaritudine & dolore animæ ignominias suscipere: medium verò, eas tolerare sine mōro: finis autem & consummatio, sumam illas laudem existimare. Quibus verbis docet

*Lib. 30.
Mor. c. 15.*

Gradu 4.

P. 2 aptissimam

aptissimè, quibus quasi internodijs, virtutis huius progressio, suis incrementis
augeatur: quod ipsum confirmans ille Ioannes Abbas qui in eundem Clima-
cum scholia edidit, verè scribit, *Secundum mensuram humilitatis, datur patientia
in tribulationibus & tentationibus; secundam patientiam, alleviatur onus tribulatio-
num: & per patientiam pergens, consolationem participat: secundum consolationem,
magnificatur caritas ad Deum; & secundum caritatem possidet gaudium.* Non longè
ab his diuersis abit D. Bernardus, aliam distinctionis normam spectans. Qui
Serm. 18.
in parvū.
dicit se in Christo manere, inquit, debet sicut ipse ambulauit, & ipse ambulare.
Descendamus per viam humilitatis, ponaturque in nobis primus eius gradus, id est pri-
mus profectus, nolle dominari: secundus, nolle subiicere: tertius, in ipsa subiectione quilibet
contumelias & iniurias illatas equanimitate pati. Primo gradu caruit in celo Lucifer
— — qui irreparabiliter cecidit de celo: & hoc ideo forte, quia omnino irre-
parabilis superbia est, nolle dominari. Secundo gradu caruerunt primi homines in pa-
radiso. — — Tertium gradum non habent, qui ad tempus credunt, sed in tempore tenta-
tionis recedant.

C A P V T VIII.

Illustria huiuscemodi humilitatis exempla prisorum.

Lib. 1. Dial.
cap. 2.

EQuidem ad tertium perfectionis gradum illum dilaudatum peruenerat
Libertinus, cuius virtutem patientiae, signis & miraculis praeferte se scribit
Magnus Papa Gregorius: cùm enim aliquando monasterij Præpositus tanta in
cum iræ acerbitate desequijsset, vt & manibus eum cæderet, arreptoque scabello
suppedaneo, faciem ac caputita tunderet, vt totus vultus tumore ac liuo-
re deformaretur: tam pacato id animo pertulit, vt postridie manè, ad sibi cre-
ditam rerum monasterij procurationem domo exiturus, demore monachorum,
ad Abbatem (qui è lecto nondum surrexerat) benedictionem postula-
turus humiliiter accesserit. Erat is Libertinus, qui apud multos gratiosus, & in
primis honoratus esset, itaque suspicatus Abbas eum ob illatam iniuriam de re-
linquendo cœnobio cogitare: Quod, inquit, vis abire? Respondit placidissi-
mè, Dies est hodie, transfigendo monasterij negotio constituta, cui me præstò
futurum addixi, nec possunt sine monasterii damno, meæ partes desiderari.
Hac responsionis benignitate percusus Præpositus, suam asperitatem & im-
patientiam, huius humilitatem ac mansuetudinem agnouit, è lecto desiliit, ad
pedes Libertini se abiecit, se reum profitens, qui tali viro tam durus & contu-
meliosus fuisset. At in sua ille humilitate perseverans suæ culpæ, non illius fa-
uitiae, id ferebat acceptum. Abiit ergo, cumque viri nobiles, quibus erat acce-
ptissi-